

帶經堂集卷三十二

歙門人程哲校編


漁洋續詩十

丁巳稿

仇英九成宮圖

唐九成宮即隋仁壽宮

新城王



君不見隋皇初作仁壽宮累榭穹臺宛相屬羸山
堙塹幾百里役卒崩騰死崖谷功成厭見獨孤公
不知怨自封郎築宮車晚出凡幾載已見迷樓起
相續虬鬚真人西入關削平六合營長安青山碧
水自無恙雕牆峻宇猶人間年年清暑備法駕千
乘萬騎驤辱顏醴泉漢出如沆瀣下入涇渭為通

三十四

漁洋續詩卷十

一

川步櫛周流鑿山翠雲窓霧閣當空懸化人之臺
屹中天銅烏六月雄風寒披襟萬仞待廳馭咸陽
宮闕如雲煙宮娃笑語翠微上阿監絡繹青冥邊
羽林千牛萬萬輩解車放馬紛華旃從來世事有
倚伏太平修過開元年白頭拾遺此駐馬愁聞林
藪啼哀猿畫圖想見全盛日令我涕淚雙闌干

脚痛

去年牙齒豁一痛連躡車今年腰脚痛登降須人
扶吾年纔四十早衰信有諸憶昔登金焦南遊窮
具區騰趨如飛猱神尻駕空虛西行極岷峨奇觀

凌清都兩脚輕屣顏邛杖非吾須十載一彈指肉
緩筋亦驚況復苦踈盤舉步多崎嶇始悟咸其腓
初九利安居既不策捷足安用悲泥塗誰能相比
附如彼蟹與驢

題昌黎詩後

淮陰舉足分項劉運籌帷幄鄴與留河汾門下羅
將相房杜李魏非常儔西京功業繼三代貞觀仁
義被九州惜哉韓公不及此但取將相酬恩讐

牛捕魚追述淮上所見

朝過洪澤湖波浪如銀屋逍遙魚蠻子跣駕兩轂
鯁風聲撼鯨宮雪浪及牛目奮迅絕有力快作龍
象蹴魚蠻坐拋網安穩如掣幅又如蕩輕槎撇捩
出洄洑奈何太牢氏凌暴及水族我聞造化功生
物異川陸爾牛司服箱播種宜種陸胡樂狎波濤
下與三足逐失性爲不祥作詩以相告

悼亡詩三十五首

哭張宜
人作

一錯誰能鑄六州葉砧無復望刀頭當年對泣人
何在獨卧牛衣哭暮秋

少小香閨熟女儀雞鳴長自軫風詩君如德曜齊
眉日我愧樊英荅拜時

幾年蹤跡判西東那得歡娛一笑同腸斷年時垂
淚別天涯辜負試燈風

予以丙辰正月十一日北行遂成永訣

二十年前烹伏雌清貧風味兩心知奩中明鏡流
塵掩忍照吳霜滿鬢絲

門第河東雙戟圍當年燕子傍誰飛可憐陌上花
開後常送香車緩緩歸

小閣垂簾日掃除爐熏茶具宛精廬紅囊揀得釵
頭茗手淪清泉伴著書

千里窮交脫贈心蕪城春雨夜沉沈一官長物吾
何有却損閨中

纏直善切臂金

辛丑春閨中友人許天玉公車過廣陵以資斧價乏告予適無

源洋續詩卷十

三

一錢宜人解腕土條脫付予贈之

樵蘇絕爨未知愁林下風期矢白頭廿載無衣搜
畫篋不曾悔却嫁黔婁

雪白花紅繡祿齊頻年覩面祝中閨牙牙學語今
何似忍聽驕兒索母啼

病中送我向南秦感逝傷離涕淚新長憶啼猿斷
腸處嘉陵江驛雨如塵

灞橋秋雨望秦川劍閣西風聽杜鵑萬里不歸歸
有路雙魚何處達重泉

寸草春暉恨未休何時負土泣松楸九泉憑報慈

親道四十兒今已白頭

先慈宜人
壬子見背

三載西風鴈影分
登高淚盡隴頭雲
從今腸斷重陽節
又採寒花酌細君

先兄西樵以
癸丑秋歿

自失雙珠淚
暗垂幾年石
關口啣悲而
今一笑黃

泉裏玉雪嬌兒見母時

兒沂以辛亥殤
渾以壬子殤

楚客秋悲易斷腸
畏逢風雨近重陽
那堪落葉哀

蟬曲恰爲離人泥

乃計切

悼亡

宜人以重九
後一日歿

早歲曾期共隱居
祇應桓孟得相如
青山縱有歸來日
更與何人挽鹿車

鋪首經秋溢綠苔
承塵蛛網任成灰
祇餘金縷裙

三十一

漁洋續詩卷十

四

猶在爭忍無情布施來

遺挂空存冷舊熏
重陽閣閉雨紛紛
方諸萬點鮫

人淚灑向窮泉竟不聞

蕭蕭靈風冷總緯
亭亭孤月掩重扉
寶釵明鏡俱黃土
悔煞秦嘉上計非

帖子宜春認舊題
妝樓人去草萋萋
東風不啓歲

蕤鎖一任空梁落燕泥

樓角參差幾曲欄
繞親種碧琅玕
月明昨夜風驚竹
翠袖何人倚暮寒

名園山色畫橋通
兩樹瓊花雪映空
一自東風斷

消息更無人惜玉玲瓏

外家黃山下東園繡毬二株花時甚盛宜人每歲折枝置膽瓶中以為常

春前小別死生分望斷新阡宿草墳我似東坡老居士何年歸哭魏城君

年年辛苦寄冬衣刀尺聲中玉漏稀今日歲殘衣不到斷腸方羨雉朝飛

愁見新年改故年朔風吹雪欲寒天黃金屈戌中宵閉長伴鰥魚夜不眠

續絃膠與返魂香碧海青天路渺茫若使少君真有術不辭千里到稠桑

熒熒薤露葉還低華屋山丘理亦齊四十年來成

三五

源澤續詩卷十

五

小劫匆匆何暇唱黃雞

春事愁中復病中可憐寒食到匆匆故園夢去瀟

瀟雨一樹棠梨照殯宮

光陰如水去堂堂纔過清明餅餌香故扇依然畫蟬雀可憐零落篋中藏

維摩天女本同心不二門中事共尋今日臨歧一揮手始知彈指去來今

藥爐經卷送生涯禪榻春風兩鬢華一語寄君君聽取不教兒女衣

於戲切 蘆花

鶴骨維摩丈室棲此心已作絮沾泥了知起滅無

生死法喜如何更有妻

陌上鶯啼細草薰魚鱗風皺水成紋江南紅豆相思苦歲歲花開一憶君

錦瑟年華西浙波尋思往事奈君何若為乞得江郎筆應較文通恨賦多

宦情薄似秋蟬翼愁思多於春繭絲此味年來誰領略夢殘酒渴五更時

北山兄約遊摩訶菴不果往却寄

天色欲雨鳩勃磳麥苗剡剡翠始齊白石莊前入山徑已有犖确紛高低春湖靴紋漾綵繚遠山玉

立森角圭荷蓑鬢鬢驅繭栗垂竿拍拍驚鳧鷺漁陽地寒花事晚春陰風氣恒慘悽今朝乍霽日暄暖垂楊蘸水新生稊小桃點點杏苞折帚腰草綠紛萋萋諸公蹋青拂晨出果下銜尾聞驕嘶郎官頭白老簿領經年坐困如醢雞自嗟樊雉苦籠繫決起安得排雲霓況逢寒食催上冢紙錢麥飯澆棠梨感念存歿淚雙迸玉壺那復相提攜賦詩望遠但咄咄遊心已過香山西

聞方山與北山諸公連日出遊戲寄

公子春蕪白鼻騮病夫擁褐客天涯城南幾日無

風雨十里徐熙落墨花

曹升六謝千仞攜酒過飲宋牧仲張杞園亦
至同賦長句二首

陵州羅酒玉雪清青州金露琥珀潏直沽冰開酒
船到屬車捆載連瓶罌二子提挈肯過我鴟尾交
臥紛縱橫我愛徐景山不知曹事唯酒鎗復愛謝
安西玩弄元子如老兵眼中況是我輩客談天炙
轂聲彭觥一斗枯腸芒角生五斗甯中鱗甲平一
石曠若遊八極逍遙齊物無虧成幽州二月草始
萌小桃照地如紅鞋天涯酒人不易得何必琴筑
琵琶第十擲輒健詎緣拙三語作椽誰所令蠟淚
成堆冠幘墮西南月作金盃傾

漁洋續詩卷

七

二五七

昔聞馬文淵居後欲軒前欲輕又聞樂將軍賤貧
辱身貴快意此語非長者亦復非遊戲勁翻扶搖
九萬里豈識青冥更垂翅鳶肩火色多少年一老
行吟獨憔悴唯應中山釀供我千日醉馱馱爲馱
駝作羹有酒如澗那復記千秋亭上相叫呼不知
何與癡人事丈夫不得手執丈二殳身領漁陽萬
突騎親射蠻氍縛鬼章誰識鄧先好奇計此酒須
滿百斛船使我反覆沒飲如渴驥子路百榼堯千

鍾黃土誰能別，愚智諸君不。齟齬當閉舉，解徑須煩杜黃。

又賦絕句

石帆山後黃茅屋，一樹寒梅作意香。長憶花開風雪裏，臥聞春雨滴槽牀。

宣和打馬圖

前馬奔馳後馬逐，萬馬奔騰隘川陸。初看逐隊來，玉門又見爭先度。鬪谷虎曾彗尾骨，權奇千里追風競。齊足傳聞天馬是，星精豈與凡材同。碌碌扼窟據險一敵萬，倒行逆施歎馳突。漫言稱德不稱

三三〇九

濠澤續詩卷十

八

力徑籊浮雲，何太速得意。橫行彼一時，詎少鹽車太行麓。穀鬪晡秣朝，飛龍咫尺君門上。天育那知高步易，顛蹶夾漈一。朝遭困辱，莫誇棗脯與文繡。世事由來有翻覆，直須十丈的顛飛。待向黃池更歎玉。

曹正子邀同家兄子側及諸君曲臺看芍藥
晚過祖氏園亭八首

回首旗亭畫壁時，重來已是十年遲。應劉逝後風流盡，只有恒河照鬢絲。

昔合肥公招同公戲茗文諸君遊此今公與公戲皆歿矣

依然春草樊川路，並馬來過覆盜門。記得城南天

尺五綠蕪紅藥水邊村

陂塘點點烏犍出夏木陰陰白鳥飛也似江南好
風景水田一帶學僧衣

宮錦千絲費剪裁詎他婪尾殿春盃老顛牘欲相
料理乞取齊奴步障來

雨雨風風態自殊花花葉葉不曾孤更添練鵲和
蟬蝶便是徐熙六幅圖

霑濕春衣更不嫌花枝姪姪雨廉纖鬢絲禪榻心
情改閑看兒郎插帽簷

沙禽一事高格煙柳斜陽初弄姿更愛風標兩

三三廿四

源洋續詩卷十

九

公子水荳花外立移時

晚晴賦白鷺潛來
今逸風標之公子

水檻清涼跂脚眠菱花菰葉一溪煙阻風中酒當
年事絕憶春江上水船

秦鏡詞為袁松籬作

熒熒古鏡雙盤龍流傳本出咸陽宮秦時明月至
今在剝落泥沙露光彩當年秦并六國時後宮閉
置千雙眉守宮注臂鏡照膽三十六年君不知華
陰道上逢山鬼輻輳東來祖龍死美人鐘鼓散如
煙此鏡蒼涼閱朝市憶昔大收天下兵十二金人
初鑄成還令餘事作奩鑑太乙下視蛟龍驚劉興

羸蹶何倉猝金鑑千秋如一髮秦鏡虛誇照膽寒
不照長城多白骨

漢祖入咸陽宮得方鏡廣四尺九寸照見五臟見西京雜記

送韓武康

清遠吳興郡防風地最幽焙茶春掩靜收蠟午煙
稠問俗知餘不懷人弔隱侯到來矜拄笏紅葉萬

山秋

黑兔

烏非黔而黑鵠非浴而白五行各有稟理不相假
借爰爰東郭君託體依皓魄胡爲明月精色與玄
冥易疑彼暮食月兩吻未決折搗藥不中度翻爲
蟲豸涅貢君明白黑此事竟何益一笑杯酒空不
記狐非赤

漁洋續詩卷十

十

吳匏菴有銅雀瓦硯以示某公惡曹氏之人

拔劍碎之沈石田爲於扇上作破硯圖商
丘武進士胡琳得之珍祕尤甚病且死手
握扇不可解遂以殉葬牧仲爲述此事因

作詩

古瓦出漳水黝質謝磨礚建安詎非珍苦爲老瞞
浣拔劍等睨柱白璧輕涕唾譬彼孔文舉氣使丞
相箋畫師石田翁援筆寫高座星斗忽破碎珠玉

紛錯磨爲圖本游戲勝事遂流播異哉胡將軍射
虎黃間大結習嗜奇古購致雜坐臥罷官無尺椽
風雪甘凍餓提攜有神物光照幽壤破一笑蘭亭
書昭陵殉非過

與董蒼水彭駿孫小飲子吉學士齋同限箇
字寄諸乾一進士

長安風塵日堀堞扇障不能衣苦澆天官昨占月
離畢十日愁霖足高臥高車大馬諸貴人今雨蕭
條誰肯過玉峰學士數相見打門不辭泥沒髀今
朝置酒招我飲黃雀披綿鯖鮓劉百栳以後呼酪

漁洋續詩卷十

十一

三才九

奴白綃斜封朱印破天下健者今董公富貴浮雲
輕涕唾彭郎未奉一囊粟路鬼揶揄甘凍餓抱膝
誰信比管樂高論依然遡卿軻世情但競牢石耶
女子猶知伯休那酒酣岸憤忽大笑吾曹蠶絲自
纏裹青山一髮江南路雨笠煙蓑有幾箇細林主
人老耽隱枕上九峰青錯磨漁樵近局不爭席復
有名僧伴高座空山水流花又開不識都門送臨
賀我生未覩細林面聞君快語殊已瘳已瘳見
山海經當年
我作萬里遊劍閣西風聽鈴馱凌雲九峰悔輕別
筋駑肉緩四體惰他年但乞五湖長纒話尊鱸口

先哆未須木石笑吳兒小海歌成我當和

友人送白蓮花為詠

無復澄江載酒船折枝猶帶五湖煙香來月白風
清裏花放叢祠水驛前鴨唼池萍微雨後犀垂簾
押夕陽天魯連陂上新秋色觸忤閑愁又一年

張晴峰員外園亭聽金山人彈琴同詠菴學

士北山都諫作

平生慕古澹頗笑箏笛耳愛此太古音寥寥寄絃
指客來江海上偶契希夷旨髣髴七里灘松風入
江水曲罷孤月明溪光散清泚主客一無言露坐

三〇八

漁洋續詩卷十

十一

攬衣起

送新安許生生方城子

方城名楚有新
安江賦傳於時

一賦曾高六代名無人不道許方城郎君惜別扁
舟興夢想新安水至清

初秋示蒼水

零落交遊感式微與君邂逅忍相違隆中自許真
名士殿上誰知大布衣越燕巢空秋近社鱸魚風
起夢思歸先生未是平原客玉貌塵中見亦稀

送浦潛夫

吳江有高士讀書慕皇義心遠契一畫意得無九

師搃策筮嘉遯遂養丘園姿荒江屋敲斜鷗鳥同
朝飢在昔洪丞相經略天南陞君佐幕中畫倣儻
復權奇試吏嶽麓下蒲鞭懸不施丞相解兵柄角
巾東第歸君亦困株木周道多蒺藜投賦汨羅岸
弔古湘妃祠歸吳二十載飄蕭雙鬢絲丞相宰木
拱部曲無復遺重來渡易水感激酬恩私慟哭龍
驤塋手刊第二碑袖中周易編未有君平知徒步
過市中塵染蒼浪髭湖南方用兵馬飲瀟湘湄辱
在卿大夫修劒空拄頤老子好奇計才鋒尚如錐
無人為薦達垂老嗟數奇古王者行師必鑽九州
當為誰

漁洋續詩卷十

七

張員外園亭送金山人歸越

客有越鄉感抱琴辭上京離堂秋色別思楚鴻
聲水國三千里冰絃一再行成連何處去今夕獨
移情

葉丙霞祠部歸自虔南見示圍城詩

與君憐麥秀秋晚別朝歌亂後音書潤年來華髮
多西南方帶甲章貢幾橫戈不少陳琳檄頭風愈

若何

壬子與祠部別於衛州

文姬歸漢圖

宋南渡祇候司張某畫

大漠茫茫沙草枯天蓋四野如宮廬陰山秋高雪
片麤朔風中人金僕鐔高飛鵠轉追韓盧前行一
馬建隼旗後有數馬鳴相呼尾鬣蜩縮慘不舒馬
蹄流血冰裂膚蕃兒漢兒手口瘡相顧不能鼓龍
胡文姬玉面貂襜褕脊肩壘黛愁不娛越燕向日
思南徂君獨何爲苦嗟吁兜離竊停非故都魂消
影絕悲雨離歸來爲公寫遺書名在列女丹青俱
老瞞睨鼎目睇眄破壁牽后如收孥獨能千金歸
蔡姝吁嗟高義今已無

三十四

源澤續詩卷十

十四

金孝章先生以壬子冬畫梅寄予兄弟今六

年矣丁巳七月先生之子祖生至京師始
見之而先生與先兄考功皆已下世愴然
賦詩四首

拗取銅坑玉一枝江南春贈隴頭時到來已是塵
沙劫賦得瑤華欲寄誰

維摩方丈幾黃昏春草禪房日閉門成佛生天兩
何處暗香疎影爲招魂

十笏先兄堂名春草開房先生所居也

花時鄧尉夢無聊十七年來似暮朝恨不相攜風

雪裏短篷同繫虎山橋

當年五字寫柴桑又寄孤山世外香一幅生綃千
載意也應配食水仙王

辛亥歲先生手
寫陶詩見寄

西蜀

唐家宰相迴翔地漢代公孫割據秋劍閣嗟峨仍
北向彭門波浪自東流風雲諸將爭秦棧鼓角中
宵夢益州何日西南銷戰伐浣花行樂看遨頭

送衛爾錫簡討謫判霸州二首

昨夜青綾被蕭條秋氣滋今朝白羽扇捐棄篋中
時戀闕心仍苦投湘賦漫悲涼溫從此別行矣

歲寒期

三
五
五
漁洋續詩卷十

五

聞君休沐暇卜築遠人間門外河汾水窓中姑射
山正牙方引對小郡忽投閑詎厭承明直時清且
抱關

送蒼水入閩同詎菴限韻

吾友有董生其人仁且勇突兀百尺桐疎枝上孤
聳故交久零落予髮亦種種京雒晚得子喜甚獲
璧拱愛我齋閣閑屢過聽寒菴說劍森星芒論文
豁塵壅爭道句踐家澆酒望諸冢飛煉君詼嘲支
離我擁腫驚君豹文變愧我牛草鞞長安競高貲

君獨愛散冗抱關不碌碌坐聽傳呼寵水東葉學
士步履每接踵城北有徐公剝啄喜音楚滑稽愛
陳遵法度跂張竦懷古思贈縞閱世鄙登龍孟冬
十月交鳥獸始毛離顏慘不悅告我將發輶岩
堯仙霞關峻絕逾上隴搖郢昔旅拒八郡紛洶洶
李絳墓未祭孟衢馬誰駛見公羊傳孰職為亂階彼哉
微且種天心昨悔禍稽顙紛萃從士有朝食銳軍
無夜呼恐君今輿轎度見漢書憶昔戈船踴我聞龍
伯釣一糖六鼇擁不如學詹何妙用獨繭蛹君行
宜勉旃吾道視輕重

哭劉公鼐吏部二首

零落親知更有誰聞君訣去不勝悲彈琴古調千
秋絕說劍雄風一代奇舊館脫驂應出涕天涯磨
鏡是何時故人雙鬢蒼浪在賸欲刊君第二碑

廿年藝苑忝同遊迴憶音塵淚不收結客曾傾四

公子論兵欲動五諸侯名星故人半化遼東鶴世事

終輸閣道牛手定君文纔幾日可憐馬策慟西州

丙辰春先生以全集寄予論次

荅徐勝力二首

鴈門太守解食鴈豈識涼州皇甫規王符到門條

驚起屣履出戶倒裳衣折楊皇華萬夫和清廟朱
絃知者希潛夫論就自愛惜會有知我傳來茲
我來都門得二士董生水蒼磊落君多聞董生萬里
適甌越君也飢餓留燕雲登車不落為著作笑君
何意窮皇墳被褐懷玉莫太息他年定可張吾軍
見北山兄遊西山詩示謝千仞

吟眺清暉思不窮昔遊如夢幾人同憶君共躅西
山雪坐聽清猿萬木中

山茶雪兔

石罇猩紅透幾枝花間東郭眼迷離漫天風雪鷹

三子

漁洋續詩卷十

十七

初擊正好營君三窟時

郭河陽雙松平遠

為枚
仲題

石骨峻嶒五鬣盤河陽筆底傲秦官興亡七百年
朝權留得蒼蒼耐歲寒

分賦得魏相贈環溪先生

弱翁漢名相功實蕭曹繼為政絕更張奉行唯故
事上書罷副封上下無壅蔽煌煌漢中葉英明啓
宣帝治術雜中商相業稱丙魏遺烈方在今流風
泝家世

偶成

樓御巷有將軍掾楊子門無卿相輿閱盡世情堪
一笑絕交論續絕交書

送湯西厓歸武林兼懷陸麗京二首

湯生瓊樹枝落落有風舉作客時越吟入座雅吳
語未必長賤貧誰能久羈旅夢逐錢唐潮離憂劇
連弩

我愛陸先生灑然遂遺世打包台宕雲飛錫南華
寺昨見桓豹奴與舅乃酷似儻寄空中書傳子碧
雲思

送洪昉思由大梁之武康

灑澤續詩卷一

六

澤腹豎凍冰峨峨舳艫銜尾填漕河北風吹雪如
鶴鵝急裝結束脛驢馱欲向夷門訪朱亥便從燕
市辭荆軻三年京國何所見日中攘攘肩相摩
訾喔咿時所愛骯髒詎免常人訶亦知貧賤世看
醜恥以勁柏隨蓬科我衰於世百無用僦屋深閉
如廬螺蒼苔被堦寒雀啄汝何愛此頻來過耳語
似鄙程不識騎危解笑公叔庠吳興清遠我夢到
水精宮在琉璃波防風古國更幽絕餘不溪水清
逶迤山歌處處採茶薜漁舟往往穿菱荷西陵潮
信近尺咫方百里無差譌勸君卜築豈無意貞

曜故宅留山阿結鄰尚友亦不惡溪山況足供婆
娑名高身隱恐難得丈夫三十非蹉跎朝廷正須
雅頌手待汝清廟賡猗那

送田子綸郎中歸省

能詩何水部 恩許片帆歸
慈竹舍前長眷令沙
際飛梅花迎驛路臘酒熟柴扉獨有離居者依依
心曲違

座中聞陶季江辰六詠洞庭詩并話湖南山

水二首

三湘夜雨五溪遊曾話秦淮風露秋十七年來頭

二三

漁洋續詩卷十

十九

鬢白聽君高唱岳陽樓

順治辛丑在金陵聞何行人談湖南山水之勝今十七年矣

白蘋風色番君國斑竹啼痕帝女靈今日衡湘兵
甲滿九疑何處數峰青

帶經堂集卷三十二

帶經堂集卷三十三

歙門人程哲校編

新城王士禛貽上

漁洋續詩十一

戊午稿

蒙

恩頒賜五臺山新貢天花恭紀

有序

戊午閏三月

臣

士禛同翰林院掌院學士

臣

廷敬侍讀學士

臣

英中書舍人

臣士奇

內直南書房二十七日蒙

恩賜手詔

朕召卿等編緝適五臺山新貢天花鮮馨

罕有可稱佳味特賜卿等使知名山風土

也

臣

等恭逢異數謹拜手稽首賦詩進

二五十八

漁洋續詩卷十

呈

春直銅龍晝未闌忽傳

天語下雲端名山包貢

來中禁珍賜封題出大官曾恥稻梁縻厚祿敢忘

藜藿負儒冠宛然身到清涼境

聖主恩深勝露

盤

蒙

恩頒賜

御書恭紀四首

有序

閏三月二十八日中書舍人

臣

士奇齋

御書至南書房賜學士

臣

廷敬侍讀學士

臣

方藹侍讀

臣

士禛

臣

得存誠大字唐人

張繼楓橋絕句又石刻清慎勤恪物大字

二幅共四幅仍傳諭云前賜講筵諸臣石
刻爾士禎未與故特補賜二幅

承恩祕殿許從容 宸藻驚傳啓 御封天上墨

池春晝永親從九五見飛龍

元武門邊侍直餘淋漓飛白紀恩初從今不羨鍾

王蹟曾向雲霄捧 御書

謨誥文章雅頌詩鸞停鵠時幾人知毫端已見

宸心正不待誠懸筆諫時

蟠螭小壘映珊瑚錯落銀鈎筆陣圖寄語紫薇花

下客休誇三十四驪珠

宋臣蘇軾通英賜御書
詩云袖有驪珠三十四

三五九

漁洋續詩卷十一

二

賜貢茶三首

朝來八餅賜頭綱魚眼徐翻晝漏長青筍紅籤休

比並黃羅猶帶 御前香

兩府當年拜賜迴龍團金縷詫奇哉 聖朝事事

寬民力騎火無勞驛騎來

春旗焙出黃芽熟雲液烹來綠脚生身到九天餐

沆瀣不須消渴望金莖

賜櫻桃

緗葉紅葩下玉墀隋珠萬顆籠青絲侍臣早識華

林種恰及舍桃薦 廟時

賜櫻桃漿

色映琉璃得未曾涼風長日拂觚稜人間不識嘆
山雪天上新逢玉井冰

孝昭皇后挽詞六首應制

金祀流塵掩瑤齋寶幄空禁花零曉露苑柳泣春
風思媚傳千古深恩徧六宮唯留歌詠在應與二
南同

上壽 慈寧日人知內則賢徽音殊未遠 文母
至今憐淚濺鶯花色神傷被袂天淒涼餘故館猶
近濯龍前

三

漁洋續詩卷十一

三

祕殿傳金策神人覆玉衣四星初應曜一鑑忽藏
輝脫珥言猶在乘雲馭不歸 皇情宵旰切永巷
漏依稀

萬乘親臨送容車出國門羽儀辭禁掖笳鼓望陵
園素旒浮雲慘青山落日昏臣民同雨泣哀動鳳
凰原

西汜沈寒月中天澹夕陽愁雲低攏樹春禁罷公
桑楚挽蘭風寂虞歌薤露長通靈應有夢可到紫
宸傍

渺渺沙河道淒淒玉輦空綺疏扃夜月總帳肅靈

風故劍 皇心切謂仁孝皇后 祠官禮數同 榮名綸綍貴
早貴九原中

御苑人參應 制

秀色青葱別舊蹊 移來雙闕翠痕低 不因身到甘泉館 幾見仙苗五葉齊

大西洋貢師子歌應 制

古云後視日走五百里 遠隔流沙生月氏 康居疏勒曾一獻丹青 顧陸矜神奇 夙聞其名思一見 玉關迢遞天西陲 況復野千日鳴噪 安得一吼驚嚙 聖人有道十七載 景風海外舟車馳 元龜象

齒紛置驛文犀 桂蠹羅庭墀 夫秦之西國絕域懸 撞度索來數期 厥有神獸備方物 波濤遠迸蛟龍 隨海人泉客 盡避徙朱衣 絳幘不敢窺 形狀瓌詭 氣奮迅目光 睨暘毛彤彤 巨髯毳尾如斗 勁毫柔毳相離披 發聲殷其雷 破壁顧盼已却 千熊羆 乳虎犛牛望辟 易何論六駮 兼文狸搏象 搏虎具全力 威在齒尾非毛皮 上林晝閉射熊館 詔付象胥有職司 聖朝寶德不寶物 百獸率舞良所宜 五風十雨兆民足 駟虞在囿麟來嬉 寫入職方舊

圖繪二南萬古傳風詩

蒙 恩賜觀 御製詩集恭紀十六韻

聖主崇經術雍熙暨八荒鴻名垂海嶽重譯集梯
航雲物生松棟音徽嗣柏梁宜民期太昊訪道媿
軒皇嚴漏趨丹陛清秋屆白藏承恩披雅頌開帙
粲琳琅體配江河紀芒涌日月光 宸衷羅武庫
台象接文昌氣邁三侯壯思深六義長銀鈎輝琬
琰錦字溢縑緗劍閣看雲合橫汾詠菊芳雄篇包
宇宙細律叶宮商寶鼎歆金景聯珠照玉堂微臣
依黼幄朴學愧青箱極北常瞻斗周南啓面牆賡
歌知莫繼 永此戴 天章

三〇九

漁洋續詩卷十一

五

恭和 御製賜輔國將軍俄啓詩 有序

八月二十日內直同學士臣廷敬侍讀學
士臣方藹臣英中書舍人臣士奇奉 旨

賦

宸章高視漢歌風絕技爭傳兩石弓自是 君王
勤拊髀一時龍種盡英雄

送同年蔣大參之武林

持節錢塘去金焦二月時江山南渡蹟風物表忠
碑河漕勞輸輓朝廷仰度支到逢寒食後槐火試

雙旗

懷丁鴈水武選

時王師初平漳泉

愛君吟五字風格擅黃初別後惠思我詩來常起
子軍中馳露布海上罷巢車無恙圍城裏牙籤舊
賜書

簡山長從兄

向有別業在隨州時教授武學

浮家漢東國野圃樹千章古岸臨清澹荒池弔季
梁微官傍雙闕歸夢渡三湘何日烽煙息朱陵問
草堂

寄竟陵吳旣閑兼懷胡君信二首

聞道東湖隱頻年杜德機水花當畫淨鷗鳥入門

三十五七

源澤續詩卷十一

六

飛白首遺經在青山舊業微漢朝多掌故誰受壁
書歸

獵火連雲夢悲笳激渚宮江湘多飲馬天地一冥
鴻漁唱花間權炊煙雪後蓬祇應胡伯始來往此
牆東

螢

寂寂青苔徑蕭蕭白板扉天河垂近戶螢火坐侵
衣穿竹淺深見因風高下飛隋家無舊苑甘照讀
書幃

蟬

雙樹有鳴蜩孤情伴寂寥自緣飽風露不肯逐金
貂驛路關門雨斜陽浦岸潮年年行役處爲汝幾
魂銷

庭樹

庭中兩嘉樹歲歲發華滋斜照連疎雨清陰散碧
墀稍宜漆園吏誰賦角弓詩舊業清溪曲千章覆
短籬

蘇門三賢詩

有序

張于度

蘇門孫徵君曰于度爲鹿伯順高弟從予

三十七八

漁洋續詩卷上

七

五十年未嘗或離左魏之難履虎尾涉春
冰烈士之名滿天下卒歸老蘇門高蹈遠
隱志士不忘溝壑其庶幾乎于度名果中
容城人葬夏峰北原

明運昔中圯奄豎奸大位衣冠虛南牙政柄歸北
寺誰實鈎黨魁嶽嶽左與魏一朝檻車徵宰戶事
陰祕傷哉史弼言茶甘乃如薺容城有布衣發憤
亡鯁避要鎖理太尉舉幡訟司隸貫械渤海生赤
憤夏門吏桑海四十年往事如夢寐骨歸蘇門山
名在顧廚次

理寒石

本李姓也名訥和西華人恥與逆闖同姓
改曰理孫徵君與西華左令書稱為魯連
後一人

魯連蹈東海其志恥帝秦龔生天天年詎知有美
新陶公懷晉室聊存頭上巾嗟哉均垸流乃愧青
巖甄西華理寒石為儒甘賤貧奉母蓬藿中歸潔
恐辱身梟鏡破鏡與鏡同交蹄跡神州日沉淪靈氛久上
天呼號竟無因感激變姓名下士良苦辛何人傳

節義誦言聊一陳

二二〇九

漁洋續詩卷十一

八

餓夫

彭姓字了凡蠡縣人遭闖亂棄諸生客饒
陽為鄉塾師已而從孫徵君於蘇門或授
之粟不受竟坐死嘯臺之旁徵君題其藏

曰餓夫墓

黔敖呼餓人不受嗟來食使之當大事必讓千乘
國靈輒餓醫桑倒戟一何力簞食不忘報竟脫宮
甲逼蘇門有餓夫風節夙所植生餓蘇門下死葬
蘇門側嘯臺高峨峨百泉流湜湜清風一相映泉
石起寒色遐哉首陽薇千古長太息

山鷓

秋葉下庭樹飛來山鷓鴣寧因避珠彈只合傷金
鋪清唳雲中鶴晨飛煙渚鳧微生各情性太息羽
毛殊

藝圃雜詠十二首

為萊陽姜
學在賦

南村

豈知城市間村路忽超遠曖曖桑柘陰晨光散雞
犬應有素心人空林共偃蹇

鶴柴

長身兩君子宛與孤松映三疊素琴張一聲遠山

三首二

漁洋續詩卷十一

九

靜嘹唳月明時風泉雜清聽

紅鵝館

疏館籠鵝羣素羽臨秋水濯濯映鳧翁沿流亂芳
芷乞寫苗香花共入丹青裏

乳魚亭

幽人知魚樂爲復知魚計策策與堂堂宛有江湖
意時逐落花來更向空明逝

香草居

湘君遺遠時汀洲寥杜若菲菲來蘂予脉脉情相
託常恐鶉鴉鳴芳香坐搖落

朝爽臺

崇臺面吳山，山色喜無恙。朝爽與夕霏，氤氳非一狀。想見拄笏時，心在飛鳥上。

浴鷗池

海鷗戲春岸，時下池塘浴。何樂從君遊，忘機自馴熟。不用駭爰居，朝朝泛寒綠。

度香橋

陂塘何逶迤，飛虹鏡中起。但聞功德香，都不辨花水。鼻受心已著，遂契無言旨。

響月廊

脩廊非一曲，窈窕隨清樾。掃地坐焚香，心跡兩幽絕。竊笑風蕭蕭，無人見明月。

垂雲峰

具區三萬頃，奇峰七十二。割取一片雲，虎牙自孤銳。颯然山雨來，咫尺流雲氣。

六松軒

髯翁閱千歲，纔如熟羊腩。不逐桃李妍，何妨雪霜壓。可望不可狎，愛此李鱗甲。

繡佛閣

樓閣衆香中，日夕供調御。仙梵遠蕭條，隨風不知處。

處更有迦陵鳥聲來貝多樹

爲尤展成悼亡三首

時子喪張宜
人未三載也

三年明月鑒虛帷那更吟君惆悵詩不分阿灰腸
斷句黃昏微雨畫簾垂

金昌亭下柳毵毵長記烏啼送曉驂風景不殊人
不見謝家飛絮滿江南

入洛相逢亦偶然淮南小別十經年不堪洗馬言
愁日無復清河贈婦篇

陳其年索詩送王生之襄陽

試說襄陽好曾遊路不迷江帆過峴首水竹繞檀

三五

漁洋續詩卷十

十一

溪市上江陵估機中竇氏妻不知征戍後誰唱白
銅鞮

送陳子文之安邑丞四首

我愛田子方同時段干木高義動諸侯清風激頽
俗聞鍾知左高佳言足三復下車或式閭寧浼踞
堂辱斯人邈已遠餘韻留鄉曲賢哉魏成子千秋
擅遐躅

峨峨中條山迢迢涑川汜人物表西河流風至今
美陳侯東海來高文一何綺閭闔籥浮雲竄絕致
千里自抱萬古心五斗焉足恥虜沱冰上渡故關

雪中啓懷古多遠情到官正春水目送中條雲松
風滌雙耳

騏驥服鹽車躑躅上虞坂山石何礱聲日暮途且
遠道逢紵衣惠未敢悲晚晚仰首奮長鳴匝日思
一展譬彼軼世士遭時未離蹇君過虞坂上懷古
向陵緬古之賢達人澄懷善舒卷

淼淼沅湘流香草日以蘭鬱鬱徂徠松百尺凌歲
寒君子重結交貞固期不刊解巾二十載閱世如
波瀾菀枯旣以移素心良獨難喬木隱窮巷飢禽
噪簷間君偕辛齋叟時時造門端告我媯汭行能
不傷肺肝保此金石心在遠義亦安不見蕭長倩
錄錄曾抱關

題毛會侯垂竿圖

家在富春山山水何清妙朝與桐君遊夕狎狂奴
釣

王咸中石鳴山房四首

我愛堯峰叟

謂汪鈍翁

憐君比屋居雲林交罨畫煙火

共村墟顛倒牀頭屐逍遙谿上漁漢陰雞黍約今
古意何如

高情耽野逸文采舊清門

文恪公齋孫也

跡與市朝遠心將

達者論飛泉晴界道修竹雨連村誰識逃名客蓬
蒿方灌園

心遠地仍偏琴書雜坐眠湖霜收橘日社火焙茶
天人意孤雲外山容太古前叩門田父至襍縷亦
欣然

筆墨誰能事吾宗今右丞

茂京舍人
作石鵞圖

悠然輞川路寫

向剡谿藤短笱宜行藥空林偶飯僧片帆天外影
興到直須乘

古詩荅金穀似

西山紛鈎綿具區遠泓崢巖洞旣殊麗草木滋鮮

三五廿五

漁洋續詩卷十

十三

榮靈威古丈人素書發其英千載多秀民游札高
人名昔聞夫子賢乃自長洲生

鈍翁

五經何紛綸七

略亦縱橫提攜吳純鈎落筆千天精相思二十年

無由達中誠都門競錐刀車馬如踐更不解作高

髻誰與爲目成昨者枉佳贈其言明且清賦詩備

三類餘音散鯨鏗顧慙實不腆欲報無瑤瓊自非

揚脰流詎曰知駿明矧子少而颺執手安敢輕

來詩
有云

僕無斂器言
堂下失駿茂

悉索固所願毋爲笑荒儉

送宋牧仲員外擁贛州四首

都亭一樽酒落日照行軒帆下潯陽郭春過敷淺

原故人持使節微尚愛丘樊想到西林寺清吟和
夜猿

文成誓師處慘澹尚聞笳野戍青山遠荒江白日
斜春風渡蛟浦夜雨宿龍沙戰地多新鬼須添兩
鬢華

章貢交流地孤城百戰餘江山應不改父老問何
如五嶺稀烽火三湘動羽書似聞兵馬後租賦未

全除

後月餘有旨
盡蠲江西逋糧

贛石三百里寒江尺五流帆檣來島客風物逼炎

州試訪端明蹟應懷清獻遊山川供嘯詠莫似賈

言

漁洋續詩卷十一

十四

胡留

九日寄說巖院長訥菴學士

二公向
同內直

沈寥天氣渺愁子無恙黃花伴索居江介鼉鼉聞

漸徙

時聞茶陵
湘潭捷

鄉園鴻鴈近何如千門落照涼颼發

一片寒砧木葉疎遙憶故人清切地登高彩筆奉

宸輿

以昌樂筆送容齋閣學戲成

承旨歸來每日曛揮毫猶足張

去聲

吾軍只愁坡老

三錢筆難稱郇公五朶雲

荅徐東癡隱君小雪見懷之作

積雪東原路孤村似剡溪幾年阻乘興千里憶幽
棲凍雀柴門掩寒煙古木齊不逢洛陽令僵卧到
晨雞

同施愚山陳藹公集山史從兄昊天寺寓觀
唐子華水仙圖

先生舊隱三峰椒太乙玉女時招邀秦都漢時一
蟻垤目翫易象窮昏朝蒲車應詔謝賓客城西
古寺風蕭蕭殘碑老樹氣象古涼衫重戴風神超
八騶喧聞不到此兩二素侶還相要殘冬氣暖似
吳越佛香入院鐘魚飄徐出一軸自拂拭古光黯

漁洋續詩卷十一

五

澹生鮫綃青峰出沒高歷歷海天萬里迴春潮仙
人綽約駕雲氣飛龍決起橫煙霄六銖衣輕逐風
舉熒熒顏色如陵茗四座咨嗟歎奇絕條乘六氣
遊空寥子春一去伯牙逝海波汨沒秦人橋君歸
西嶽望東海齊煙九點非迢遙

題龔節孫種橘圖二首

震澤鱸魚欲上竿千林風露熟金丸美人無事披
香坐領得頭銜是橘官

會稽內史風流甚三百封題引興長何日扁舟洞
庭上與君小摘滿林霜

題陳其年填詞圖

玉梅花下交三九其年詞句紅杏尚書枉擅名記得微吟倚東閣梅花如雪撲簾旌

送陳子萬之黎城丞二首

美人爲政太行西到及人獲五葉齊頗憶故園風物否白雲紅樹滿荆谿

欲別梁園風葉涼銅鞮山色望蒼蒼主人本自漁樵侶小吏何勞鴈鷺行

題喬子靜桃花流水圖

青山白雲外合杳無終始小艇漾溪流幽興何窮已夾岸桃花林連綿復相似落英正續紛芳草亦

三多字八

漁洋續詩卷十一

共

鮮美茗椀置船頭答箸挂船尾不愁風水逆去住皆可喜儻遇避秦人或逢鬼谷子鸞嘯一迥然沙禽忽驚鷺起

洪昉思送湖州茶筍二絕句

愛道前溪似若耶行旃歸去便移家匆匆未訊溪山好第一先分顧渚茶

周妻何肉斷根塵玉版聊堪結淨因贏得武康斑竹筍從今休笑庾郎貧

送黃俞邵南歸

夢裏啼烏繞北堂麻衣十月薊門霜當年萬里瞿
唐客送遠驚心淚幾行

康熙壬子予奉命試蜀先宜人見背不及視含殮情事與俞邵正同

帶經堂集卷三十三

七
五

漁洋續詩卷十一

十七

帶經堂集卷三十四

歛門人程哲校編

新城王士禎貽上

漁洋續詩十二

已未稿

二月二日大雪晨起懷愚山淵公耦長

夢覺聞飄瞥虛牕徹曉明蕭條同委巷
悵望倚簷楹寒色飢禽語荒堦折竹聲
雙羊風雪路留滯遠含情

雪中簡對巖

第二泉邊路扁舟落鏡中林塘春命酒
風雪夜推篷別鶴吳田渺歸鴻楚塞通
朝來吟望處流霞滿

三十四

漁洋續詩卷十二

一

房櫳

雪後訪鈍翁

馬蹄如踣鐵相憶遠衝泥晴溜排簷滴
山禽隔舍啼梅花春掩靜殘雪角巾低
風物銅坑好何年約杖藜

和愚山喜梅耦長至

新詩冰玉質故人蘭蕙芬相逢姑射客
宛對敬亭雲雪色融春霽清談入夜分
翻憐金錯贈十載託殷勤

題江翁松屋圖卷

辰六孝廉之父

我思穎封人孝思能錫類奈何挾輶走末路乃顛
墜我思溫平南中興申大義胡居第二流將無絕
裾累獨有江次翁巨孝動天地不屑楚太僕制詔
褒志士聞孫二千載篤行殊不愧皓首伏冢廬頌
乎其從至神芝生墓門白雲宿簷次茅屋蔭松柏
終古一蒼翠誰當問起居給復煩長吏

答愚山耦長西山見懷之作

聽吟潭柘寺宛撫戒壇松空翠行相引清暉復幾
重孤筇穿鳥道百里望雲峰述作思陶謝幽尋悵
莫從

三

漁洋續詩卷十二

二

送顧尼備之聊城即歸吳省覲二首

策士持高節吾欽魯仲連君過射書處喬木剩蒼
煙未屑千金壽猶思玉貌賢誰知輕世者懷古有
新篇

聊攝連吳會津亭千里餘雲帆指淮楚江鴈望音
書堂下穿林竹春前入饌魚陶家有賢母歸日定
牽裾

題蘇臺楊柳枝詞後二首

汪鈍翁編修首倡
吳越和者數百人

白家半格詩曾見愛說蘇州柳最多

不似蘇州柳最
多樂天詩也

今

日鈍翁吟卷裏雨條風絮奈君何

鴈齒紅橋鴨背船，麴塵風起豔陽天。明湖憶得吟秋柳，
糝綠當年最少年。子賦秋柳詩時順治丁酉歲海內和者亦數百家

同楊爾茂富磐伯兩宗伯李湘北閣學張素存宮庶從兄信初侍御遊摩訶菴二首

西院枕迴溪青山滿，高閣祇園天氣佳。苔砌餘紅藥鳥如迎陵響梵，是魚山作微雨忽來過。紛紛幾花落。

東院更幽絕，蒼苔引深處。修篁蔽簾櫳，風聲在高樹。恍惚思舊遊，繾綣未能去。誰賦洞庭詩，清如杼

山句

東院壁間有僧題詩云圖書當年愛洞庭波心一十二峰五月而今高卧思前事添得盧師倚石屏

漁洋續詩卷十二

三

送吳僧尚德歸堯峰

迢遞青山路，風流白足師。安居深雪裏，行道落花時。京洛過寒食，江帆拂柳絲。歸逢尊宿問，應識馬駒兒。

雨後出西郭懷冰修子湘耦長

小雨高梁外，川原如乍經。浦煙天水碧，山色佛頭青。心賞違朋好，孤懷託杳冥。何時玉泉路，吟上望湖亭。

被園偕隱爲沈鳳于賦

吳興山水佳，蒼翠屢迴複。蒼雲交清流，緒風漾綺

穀漚爲碧浪湖城郭一空淥沈侯東陽秀門有朱
丹轂入洛揖公卿磊落千萬軸倦遊歸去來長謠
返林屋名園何窈窕袞徑臨濠濮陵阪滋蘭茗洞
房隱松竹翡翠簷間鳴鴉鵲浪中宿金剛經陸鳥曰棲水鳥曰宿素瀨
激廣除泠然響琴筑晨夕道場山煙鬢送新沐君
才似秦嘉閨中有徐淑閑吟贈婦篇或歌夜來曲
何如桓少君柴車挽雙鹿

見李武曾樂府後補題愛其五絕隳括詞意
成五絕句

曾聽鈎朝過五溪沅州南去夜郎西竿橋細繞蠻

三五廿二

漁洋續詩卷十二

四

江路斜照無人盡日啼

鷓鴣

燕子來時綠掩門春雷動地長龍孫愛君細詠蠶
娘句夢到江南水外村

筍

嵇含筆底妙丹青籬落花開露乍零愛伴秋河向
遙夜涼蛩滿院度流螢

牽牛花

紗幘澹月影微黃蜂背蘭膏細細香記得蠻娘倭
髻髻晚風吹顫滿釵梁

珍珠蘭

海天春色玉臺妍萬里來從日本船徐福不歸秦
女去讓人佳句衍波戔

倭奩 予少時製樂府名衍波

題子綸漪亭讀書圖

清遠如蒼雲檀欒即渭川捲簾度沙鳥倚檻集江
船漁父歌相荅郊居賦早傳披圖憶田叔幽思滿
林泉

送吳天章歸中條山六首

一奏凌雲賦何人似長卿羣公能薦達 天子舊
知名倦鳥有歸翼清流思濯纓金門陸沈客相送
若爲情

漢代開東觀賢良集北宮布衣簪筆數儒術拜官
同杳杳菖蒲晚蒼蒼桂樹叢逢時仍未達搔首向

高空

時同徵諸君授
翰林者五十人

漁洋續詩卷十二

五

送君何處去舊業在王官谷口煙蘿密牕中水石
寒家人候歸客田父具盤餐迴首長安道休歌行
路難

中條最深處風物四時幽水鶴穿雲下楓林夾岸
稠人煙盤豆驛村路玉溪流卧起清暉裏蕭然何
所求

歎絕新詩好朝朝爲起予早知清淨退兼愛竺乾
書慧業君何忝高文衆不如雲中有孤鶴一笑駭
爰居

負俗真吾癖唯君相過存花明邀履齒雪下叩柴

門去去寡知己悠悠誰與論遙憐芳草路霑灑爲
王孫

送董蒼水歸雲間四首

春雪積三尺故人晨叩門誰言詞賦賤真感帝
王尊魑魅窺人過關山帶甲屯頻年更喪亂失喜
共清樽

昔作甌閩客漳泉正合圍江瑤驚旅食山鳥怪儒
衣邊徼逢人少諸侯好士稀長篇猶在篋感激涕
交揮

蒼水間歸有
見寄百韻詩

待詔公車日名流賦柏梁承明望巖助郡國貢膠

二八十五

漁洋續詩卷十三

六

倉南董令誰擅春秋義最長峭帆向太急鰕菜足
江鄉

東下吳蠶老西浮楚塞秋武昌明月好清嘯憶南
樓荆岳休征馬江湖穩白鷗五溪新轉戰斟酌弔
湘流

蒼水將
遊楚

送李武曾歸禾中二首

每歎知幾好南荒萬里歸鬼方今絕域嶽麓竟重
圍曾否吟租舶如聞買釣磯灌園兼奉母無恙芟
荷衣

高議金華省朝廷急史才三長君最擅孤權且空

迴月表書秦楚徵文紀定哀將離聊岸幘重覆掌
中杯

送孫豹人授正字歸廣陵

領取頭銜貴名高身更閒
雖蒙秘書拜只似白衣還
詩即杜陵叟官如陳后山
鬚眉無恙在歸去卧商顏

送鄧孝威授正字歸海陵再示豹人

當年綺里季曾友夏黃公共詠紫芝曲
俱棲巖穴中鬚眉驚漢帝羽翼緬高風
一出還歸隱白雲商洛東

三七十一

漁洋續詩卷十二

七

送山史從兄歸華山

華山丹頂鶴清唳向西峰
不羨三珠樹長棲千歲松
林巒有佳色眠起日高春
石上流泉好菖蒲方紫茸

送彤臣侍御歸里

朝聞驄馬去結束錦鞍韉
柳岸萍生早春波獺祭圓
初成三殿賦忽憶五湖船
長夏修篁裏參同注

幾篇

獺祭圓見蔡元長詩名物考

輓惟夏

薤露歌何遽長楊賦始成
寧知官正字部議授官正字真爲

寫名旌酒態思中散窮途失步兵五言殘雪夜詩

罷氣縱橫

雪夜招惟夏與李天生董蒼水梅耦長邵子湘潘次耕諸君飲賦詩以積素虜延開爲韻

送吳僧秋臯之津門

上人有句云鳥啼殘雪樹人語夕陽山

愛君殘雪句宛似碧雲篇獨向中峰住深參不二禪直沽春水岸通潞夕陽船乞食王城去遙聞袒右肩

送翁武原赴黃州岐亭丞

試說齊安郡風流雲夢間大江元繞郭修竹尚連山鼓角頻年健樓船計日還岐亭憶坡老梅萼正堪攀

三二〇五十二

漁洋續詩卷十二

八

顏修來吏部寄孔廟碑十二種

生近聖人居未得拜祠墓頗聞魯諸生講禮以時聚故宅聞金絲猶傳壁書處漢祖祠太牢過魯暖餘慕六經出秦火諸儒明訓故歷代遞相嬗碑版屹森布龜龍或鬻缺蛟螭無錯互顏生陋巷裔學古鄙章句餘事攻六書韋蔡競先鶩金薤遠見投聊持伴魚素論世慨桓靈未造紛黨錮

元嘉永壽建寧三碑

尤

愛梁鵠書筆勢颯軒翥貢墨與匱紙椎拓亦殆庶

明牕秋日晴水沉午方炷彷彿闕里遊低徊不能

去

為宗定九題李河濱畫竹

幾年不到簷簷谷今日還從畫裏看記得東軒春
月下壓欄殘雪數枝寒

題顧茂倫雪灘釣叟圖二首

垂虹秋色東南好雨笠煙蓑送此生今日三高祠
下過唯君不愧隱人名

彷彿桐江百尺臺傍人漫作客星猜投竿一笑煙
波外陽鱗紛紛入釣來

題顧樵水畫宗定九詩意

宗詩云青山野寺紅楓樹
黃草人家白酒筇日暮江

南棧書處數聲

漁舟起汀洲

漁洋續詩卷十二

九

東原佳句紅楓樹付與丹青顧凱之把翫居然成
兩絕詩中有畫畫中詩

送定九歸淮南

相逢纔幾日復欲返東原梁父雲間樹蘭陵雨後
村雄雞能斷尾野鶴詎乘軒一葉邗溝水隨潮到
里門

左安門外讀宛陵先生詩却寄耦長

出郭愛時稼行吟田水濱偶然憩清樾蒼翠落烏
巾古澹歐梅體崢嶸慶曆人名家今復始欣覩鳳

毛新

寄家兄子側金陵

梅雨江東去依然古石頭至今鍾阜月猶映清淮
流水宿維楓岸風帆隱荻洲應思對牀約休作賈
胡留

送同年楊以齋中丞巡撫貴州二首

即自西海寧人

遠持天上中丞節親鼓黔南大將袍青綺門邊千
騎擁碧油幢下萬人趨衡峰雪盡春無鴈楚幕風
寒夜有烏早晚昆明馳露布鬼方先已罷兵符

絳騶赤棒日邊明臺閣清風闕下生豈謂周昌須
相國猶煩裴度至行營馳驅萬里征蠻府珍重先

三三廿八

漁洋續詩卷十二

十

朝諫獵名緩帶輕裘烽火息即看銅柱有春耕

中丞

昔以諫獵見
知世祖皇帝

午食得鱸

蜃虀鴈醢百不愛縷鱠愛斫松江鱸年來絕有步
兵興江船難致途且紆今朝忽訝食指動四腮登
饌加蒲菹京師最重灤河鯽侯鯖下箸矜膚腴貴
人不識鱸鱠味儘輸蓑笠垂竿徒吾鄉魯陂亦產
此鱸豸稍別方言殊

齊人呼
鱸曰豸

釋名爾雅未及錄會資

好事笺蟲魚廿年仕宦去鄉里走避舊隱如逃逋
昌歎形鹽享備物何如鄉味炊雕胡他年歸臥錦

湖岸日拋簾櫺臨清渠

擬山家閨怨戲爲汪鈍翁編修作

璇璣賦罷氣凌雲
下直金蓮每夜分
那憶璇璣圖
上字錦機辛苦寄迴文

聞蟬

何處厲清響
空庭嘉樹林
從知翳葉術
不畏耀蟬
侵飛兩度高閣薄
雲生暝陰窓中時
抱膝斷續雜
幽吟

送李鄴臣赴東安

我愛瀟湘水
粼粼見底清
稍聞征戍罷
遙送使君

三〇六十七

漁洋續詩卷十二

十一

行別浦石蘭長叢
祠斑竹生經過
道林寺沈杜有
題名

早過洪太常水亭訪丁武選不遇

了不異人意
入門濠濮情
林端初日澹
蘋末水風
清野鴨縱橫去
跳魚潑刺鳴
主人不相見
隔岸沸
茶鐺

送宋旣庭歸吳門

歸興江東梅
雨時浮雲黃
鵠兩參差
鳶肩自昔多
騰上猿臂何
勞歎數奇
久似向平知
損益還從柱
下識雄雌
洞庭朱實吳
淞鱸醉放扁
舟任所之

送田髯淵歸松江

子魚初美帶通印橘柚厥包驗霜信江南秋色夢
中來去帆去聲欲爭飛鳥迅舍車何如負乘樂徒步
終知無悔吝得歸但乞五湖長投老那須千戶郡
二十年中幾分手共歎秋霜上髯鬢潞亭船開烏
尾譌爲若楚歌聊一訊

寄牧仲贛州

虔州界閩湘蘭蕙賤於草復有寶珠香玉雪映清
曉江城微雨過炎瘴淨如掃高齋開八牕豁達涼
風早方牀黃琉璃卧起日杲杲清芬惱魂夢仙膚

二九十四

漁洋續詩卷十二

十一

愛綦縞嶺外陸郎花未敢鬪始好幾歲客京國冠
蓋苦紛擾朱門多林塘無由聽啼鳥今年八境臺
雙江入登眺閑註詩楚騷多識不爲少遙憶書到
時贛石風嫋嫋

夜雨

一雨當三伏清宵冷玉壺瀟瀟濕螢火策策入高
梧稍覺涼飈集寧知朱夏徂寒暄易時節感槩不
能無

午睡

蘄州笛材好八尺含風漪恰稱龜茲枕閑拋玉局

棋涼蟬陰卓午花鴨水平池富貴浮雲耳寧須熱
客知

蠅

幾日亂朱紫商飈欣掃除孫郎彈不易戎子賦何
如瑟瑟涼初至營營計已疎何來遽集此往事笑
中書

送彭有斯孝廉歸儀真因懷紀伯紫

我憶真州美城池靜不譁長橋帶修竹野水抱人
家南郭羣山好東園一徑斜鍾山遺老在相見話
桑麻

二六十三

漁洋續詩卷上

十三

題松萱圖四首壽姜節母

西溪之母

丸丸徂徠松鬱鬱新南柏何如句章山仙靈所窟
宅天風奮鬚鬣大海應潮汐千年化爲豎食之勝
金液

娟娟忘憂草朱華冒修莖旣含日月光亦登紫微
庭勿謂兒女花少陽體其貞一入風人篇千秋垂
令名

懿彼負羈妻智能相衰偃房杜公輔才王母識何
遠姜子天下士高步擅文苑因知母也賢儀刑在

中壺

會稽嚴夫子蕭然雲鶴姿畫此偃蓋松間彼萱草
枝豫章已合抱何不梁棟爲共葆歲寒心後凋終
不移

與陸冰修

我愛辛齋叟蕭然無世情笑看公府辟夢憶故山
耕斜日樹交蔭微風蟬一鳴知君人境外寂寞道
心生

初秋索耦長畫

詩到無聲足卧遊雨窓含墨對清秋不知鄉思今
多少祇寫澄江與北樓

二五七

漁洋續詩卷十二

古

月夜冰脩子湘耦長見過同儗宛陵體三首
舉頭新月佳開軒滅明燭流螢稍開闔風露下疎
竹素心二三子比鄰往來熟漢陰無主賓何用加
幘屋

袞袞九衢間未少噉名客老嬾倦逢迎誰當較尋
尺高齋時卧病河漢忽已夕綠蘚被堦生幽人見
行跡

聽君談劍術四座輒色變青天走風雨虛堂激雷
雷香丸合雌雄太乙經百鍊勿快睚眦讐應侯吾

所賤

冰脩談劍術甚奇

寄念東先生

王樵洞畔掩雙扉
水綠蘋香繞釣磯
除却耽吟唯憩寂
不須爭席久忘機
飽看京洛新棋局
無恙雲山舊衲衣
滿眼高車帶傾覆
幾人拋得侍郎歸

太白

傳詩云我拋
刑部侍郎歸

愚山侍講送敬亭茶

敬亭雲木好香茗
叢幽巖鴉山舊擅
名晚出思并兼
茶人競春霽歷險
如鼓儻新火細蒸
焙青筠勞封緘
先生住山時採摘
心所欣封題寄千
里知我殊酸醜
年來同直廬思歸
夢巖嵌白毛劇臯
盧強

漁洋續詩卷十二

十五

飲口已箝何當候
蟹眼颼颼響風簾
故山昨有寄水驛
馳江帆開籠亟分
我芳香透重匳靴
紋隱蹙縮鞞臆垂
廉襜磴成玉雪霏
持作梁肉砭渴羌
老解事未敢加薑
鹽

追錄丁未年夢中作

壬子使蜀經褒
城驛其兆乃驗

溪流翡翠映煙空
溪上飛橋落彩虹
手拗花叢憶元相
一枝渾卧碧流中

聞彝陵九兄攝巴東縣

時縣初
收復

詰曲峽江水千迴
流月明巴東上峽
客獨夜聽猿聲土
黑悲秦劫峰青入
蜀程夔門西望近
豺虎尚

縱橫

戲題兩髯行後贈其年子湘

楚王宴章華乃以長鬣相彼鬣有何好霸國用自
壯平生交兩髯于鬣不相讓絕倫陳魁梧軼羣邵
跌宕昨見兩髯行蹶然忽神王士龍能笑不吾髯
幸無恙

再送李武曾之鳳陽郡幕

武曾嘗客公融吏部近有
樂府後補題諸調最佳

年來巖谷競春姿誰遣青松獨後時七月僧廬常
避客八公山色又臨岐故人惆悵題襟集好句玲
瓏散水詞此地正連清潁尾西州應有淚如絲

漁洋齋詩卷十二

六

送姜西暝歸慈谿

春風滋百卉不榮孤柏根白日迴陰崖霜雪慘不
溫丈夫重知已烈士輕感恩姜生起句餘水擊南
溟鯤商歌一畝宮名動萬乘尊孤高取衆忌當
路誰攀援季布揖曹丘感激由片言何況貧賤士
風飈阻重閭枚朔善散骸莊徐擅高論連尻結股
脚詞賦若雲屯君獨銜恤歸秋風刈叢萱虎鼠竟
何常揮手聲暗吞

得陳子文書兼知天章消息

鴈聲初墮地黃葉已盈除秋雨蕭條夕忽枉故人

書故人復何在中條白雲裏昔別霜霰零昨日秋
風起曾聞隴頭水驅馬度關山烽煙照駱谷征戍
何時還書中云有度隴之役黃雀縱橫飛孤鶴正垂羽祭竈請
比鄰停車共騶語歲月易永久離羣難處心爲問
朝歌令相思深不深

書蜀禱杙一絕句

楊柳歌詞唱未終宣華樓榭已成空秦州驛裏應
迴首不見楊花入故宮

送孫愷士南歸

孫以戊午夏副詔使朝鮮有朝鮮採風錄

命扶桑外曾歸萬里船春潮浮鴨綠古道出

三五三

漁洋續詩卷十二

十七

黏蟬詩備輶軒採名從屬國傳暫還須裸直未可
戀青氈

題旣庭松風獨樂圖兼送別

長松千尺瀑千尋宜著先生抱膝吟惆悵青門秋
色裏與君相贈歲寒心

寄青浦丞李青立

鶴

麟趾異凡蹄鳳毛異凡羽君爲南陽孫豁達類其
祖請從復辟論即事感今古神龍奮幽蟄天星落
如雨倉皇奪門功造次成肺腑輿儻珥貂蟬政柄
歸奄豎陳請濫恩澤帶刀依負斧晉文定王室請

隧不見許吁嗟彼何人憑藉亂狐鼠爰立當危疑
蹤跡等羈旅當時武功伯唇齒終齟齬公實仗忠
信艱危成心膂嗚呼三楊後伯仲見伊吕天地鬱
風雲將相如龍虎愛君清門後克秉高曾矩低眉
百寮底手版趨公府青袍映春草遠向春申浦婦
有林下風樂事笑眉嫵青立娶於彭爲馬
峰方伯女有詩名詩寄鴈南飛
因風墮洲渚

再題茂倫雪灘釣叟畫冊

蕭灑風姿海鶴如扁舟常傍水仙居桃花時節來
相訪借爾琴高赤鯉魚

三三

漁洋續詩卷十二

六

題元氏長慶後

少年嗤點元和體不泝波瀾未易知試看婁江窮
筆力較量纔似望雲騅

送冰脩歸海昌兼寄朱人遠二首

且住爲佳耳將歸可奈何人隨吳鴈影葉下浙江
波好往尋鱸膾誰當破雀羅小叢今老去重唱竹

枝歌

予戊申歲送冰脩南還賦
竹枝歌三首今十二年矣

老大身將隱飛揚氣自雄遊燕交馬客歸越事猿
公仙飯青精餽諸儒白虎通故人朱季在何處駕

飛鴻

陳其年簡討見和綠雪之作復遺芥茶一器
索賦詩

敬亭如靜女婉孌有餘態洞山如道流吐納成沆
瀣陽羨連故鄣尻脰相負戴地靈草木異雲霧凝
鬣隼尤重羅幘名超軼絕流輩山氣夕陽佳

芥中茶
夕陽勝

朝陽風露非灌溉昨賦綠雪詩莽鹵乏清裁名流遞
賡唱粲若珠百琲鬚也實致師拔戟成一隊白甄
題紅籤細君自蒸焙朝來肯送似秀色染眉黛下
簾候魚目芳瓷露蟾背雖復遭水厄頗亦澆壘塊
茶聲正琤琤竹影交瑣碎詩成遣長鬚聊作三舍
退君當買餘勇吾衰鼓已再

漁洋續詩卷十二

九

送李屺瞻二首

歷歷征鴻逝蕭蕭班馬鳴未成秦塞返且作楚江
行此去身將隱何辭酒細傾因君惜時命五嶽不
能平

屺瞻作時
命一篇

故國連烽火歸來弔戰場三秋看太白萬騎塞陳
倉射虎身猶健聞雞意不忘悲歌燕趙別風雨又
重陽

題木石髮詩卷

名異宗
章丘人

恥食嗟來鬚已斑吟髭燃盡一身閑惜君生後滄

溟叟不在華鰲襲崑間

華襲皆陽丘人
詩受知滄溟者

送葉井叔歸樊上六首

今日華陽館誰當是劇辛
重陽一杯酒風雨送歸人

秋盡黃州路千峰送馬蹄
夢迴山館裏落月汝南雞

斷岸黃泥坂寒江千尺流
羨君歸去好雲夢澤南州

舊業在寒溪門前五株柳
遊子到家時日上樊山口

二五二

漁洋續詩卷十二

三

西山松樞多谷口好泉石
君登九曲亭蘇公有遺跡

我夢石魚湖依依問鰲叟
試尋脩竹林爲予安井白

送邵子湘之登州

我聞大九州香海環其外
裨海內絡之萬川勢交滙

禹貢周職方中央浮芥蒂
鄒衍不可作疇與辨茫昧
昔者始皇帝東巡極海岱
海神駕橋梁大魚射澎湃
號爲秦東門刻石表胸界
三山在水下其事頗奇怪
邵生列仙儒遠遊信所屆
遙飛阜鄉鷄

往撫天吳背龍躡陵丹崖九點煙凝黛斬絕日主
祠篋與之杲對日月影動搖島嶼光破碎朝潮激
天輪夕汐裂地肺巨鯨若連山奮鬣雲晝晦時見
新羅船墨點空青內廣乘渺何所歸墟誰負戴木
張悉文雄鬚才更十倍歸來述滄溟始信九州大
送吳星若歸大梁兼荅魏惟度

十日九風雨秋陰晝不開詩篇留碣石行李向繁
臺別路重陽酒歸心上番去聲梅儻逢魏公子爲問

鼓刀才

題徐電發簡討楓江漁父圖

漁洋續詩卷十二

三

十載吳江理釣絲筆牀茶竈似天隨朝來宣賜蓬
池繪却憶鱸鄉亭下時

花燭詞三首戲爲鈍翁賦

鈍翁旣改官翰林欲迎二兩如夫人皆不行而爲別納

小姬因賦是詩

花間靈鵲報新除才子今年典石渠未必風流輸
小宋兩行紅燭照修書

碧玉迴身奈此宵汝南雞喚夜迢迢從今倦聽蘭
臺鼓莫更熏衣事早朝

羸女吹簫引鳳雛莫將縑素怨狂夫似聞一語分

明寄我見猶憐況老奴

讀馮圃芝餘事集因題天章還山詩卷

木脫石氣青吟君古調詩落日高鳥去碧空澹涼
颼一吟扣一絃一吟傾一卮嘈嘈立部伎子子寡
女絲巧笑倚市門漆室聲苦悲猿鳴上峽夜鴈警
團沙時遙憶中條山雲物秋正奇吳生家山南拾
橡恒苦飢朝吟看雲出暮吟逐雲歸河聲與嶽色
中有太古詞誰爲昭與龔獨有馮生知

天音在燕市得古銅章文曰河

聲嶽色所居正河嶽之間也

夢陸辛齋

與君同巷居步履時來過三日不相見疾如憂思

三三五五

漁洋續詩卷十二

三

多夜來忽入夢宛宛同嘯歌遞握玉麈柄共盼喬
松柯晨起訊占夢魂交理則那平生薄榮利夢寐
在巖阿一二素心人夢亦無差訛聞君思吳江往
泛魚鱗波帆開即千里悠悠阻關河比鄰夢尚爾
道遠將如何

鴈

五聽長安鴈征夫猶未歸重城聞擣練幾處寄寒
衣雲夢雪中去瀟湘蘋際飛沅州射生滿好避弋
人機

和田子綸郎中移居

田郎詩格如雪車昨來新句傳移家夢向漪亭坐
秋水蒼筤萬个眠麀麀冬官事少蹋壁卧日未卓
午先放衙殘書滿前自穿穴紛如鴈字風中斜未
要沈范相賞識風亭月觀吟梅花廬如瓜牛足搖
膝畢逋愛伴城頭鴉鷺鳥累百詎比數蹠躡聊試
終參撾牽蘿補屋絕代子慎莫無匹悲炮媧

題鈍翁洞庭詩後

蒲帆十幅逐沙禽罨畫湖山次第尋香稻炊來鱸
切玉高林霜後橘懸金且招龍伯閑投釣却笑鴟
夷苦用心兩洞庭前三萬頃不能同上上頭吟

三三十一

漁洋續詩卷十二

三

風氏園老松

城南風氏園徑僻無車馬野色暮蒼然徘徊古松
下松花自開落松籟何蕭灑落日望煙歸時逢負
苓者

寄山史從兄兼懷陳藹公

車箱谷口問松筠獨鶴亭中點易新嶽色東迴迎
玉女秦雲西望似行人從教霧隱公超市不識風
高庾亮塵曾上元龍大牀卧比來豪氣更誰親

天官

書云秦雲

如行人

跋彤臣侍御楊柳枝詞後

衣上明湖舊酒痕。漢南昨夢苦消魂。仙人有恨看
銅狄。羌笛何心度玉門。斜日靈和春殿樹。西風清
弋晚江村。卅兮城畔新吟好。只似三生石上論。

問鈍翁編修疾

先生方丈似山茨。聞道維摩病起遲。乍可心情同

木石。依然談笑却熊羆。

坡詩此老神完中有
特笑談奇却千熊羆

別裁僞體

時流忌獨抱遺經。後代知遙憶玉堂。清夜夢雪中
花塢水邊籬。

又戲呈二絕句

藥爐經卷日相親。隱几蕭然遠市塵。聞道姬人怨

三三

漁洋續詩卷十二

十四

服散也須料理苦吟身。

紅麈枕畔辟寒犀。夢覺時聞烏夜啼。若便清齋三
百日。箇儂何異太常妻。

呈山長從兄

據地狂歌久陸沉。聲名萬里過雞林。蘇門自許矜
鸞嘯。朱博何人愧翰音。白羽武岡猶轉戰。紅蘭湘
浦又春深。懶殘亦有山中約。他日期君雪夜尋。

和耦長十月十八日初雪見懷之作

入夜愁雲積。凌晨雪霰繁。清才憶梅尉。高唱寄梁
園。鳥下空庭寂。爐寒破帽溫。溫新晴好。山色拄笏國

西門

宋賢詩風雪
空堂破帽温

健松齋詩爲方渭仁編修賦

三天子之都實唯神異宅中有千歲松伏龜守靈
珀小松初移時瑣細不盈尺主人偃佺流摩掌自
成癖待作送老資將期負苓客百年喬木家槐棘
映丹碧詎識遺世意相賞在松石邇來三十載人
事屢遷易請賦角弓詩此樹實手澤烽火照甌閩
羣盜太充斥井湮木已刊城郭氣蕭索慘澹冰霜
姿不受斧斤厄神鬼紛扶持父老增歎息虎豹雄
牙鬚虬龍奮角觥玄鶴飛鳴雙蒼鼠距躍百遙連
惜

漁洋續詩卷十二

五

富春山雲霧莽委積倒影新安江清冷共朝夕君
今玉堂彥哲兄文章伯大厦要梁棟託根遠偏窄
預種千本桑他年鍊金液嗤彼平泉翁徒爲達人
惜

爲愚山侍講題蓀友簡討畫用韻

山氣化雲雲作煙幽人蓑笠不知年清谿曲逐楓
林轉紅葉無風落滿船

送鄭郎赴粵西幕府

故郎中
次公子

當時紅旆向西川水部風流似鄭虔被酒共眠金
鴈驛分題多在浣花牋故人一別成千載公子重

逢又十年去謁征南年正少牂牁春盡水如煙

寄題鮑聲來草庭

愛君三徑好芳草滿南榮微雨過時綠春風吹處
生紛紜書帶色瑣細楚騷名不是江潭容休悲鷓
鴒鳴

謝耦長送木瓜

宣城木瓜壓西洛秋林黃處滿寒煙寄來修竹明
牕底留伴疎梅小雪前橘柚初包難遠致檀梨雖
好未須憐相思愧乏瓊琚報重賦風人第一篇

辱耦長枉酬佳作有方物昔年勞入貢之句

偶倣義山體再報一首兼邀愚山辛齋同

作

作貢當年事已陳煙林搖落重含辛空臨謝朓城
邊水不逐唐羌驛路塵灰可藥魚妨稚子香堪漬
粉教姬人北宮賦後情何限解使韓宣賦更新

賈兵部改中條別業爲巢雲菴索賦二首

地枕王官谷逶迤林壑重中條紅葉路二華白雲
峰修竹飛泉灑懸蘿澗戶封幽棲具計得樵牧識
行蹤

右丞輞川宅江令攝山居本自香林境宜繙貝葉

書花藏共命鳥池長放生魚已悟非身義何須演
鹿車

為尤展成簡討題耦長畫二首

家在江南楊柳村圖中風物黯消魂滄浪亭外春
風起一夜魚苗水到門

家在江南楊柳村蘆中沙步水邊軒玉堂看畫翻
惆悵短葉長條似故園

冬夜大雪

時王師方取蜀

駸駸窮冬雪蕭蕭天北風清思戴安道壯憶大梁
公寂寞剡溪興蒼茫洄曲功聞雞不成寐松火夜

漁洋續詩卷十二

七

深紅

李嗣弟德亦封梁國公杜牧詩人稱小太尉國號大梁公

聞奮威將軍保寧大捷喜賦

秦軍四道出巴庸在德何勞設險重寶玉大弓歸
魯廟華陽黑水盡堯封賔人筒布寬新賦王祭包
茅問舊供遙憶師行過枕席劍門千仞削芙蓉

近有

哀故人陷亂而死也

近有湖南信淒然老淚流冤魂傍湘水孤櫬寄衡
州妻子還軍壘豺狼滿上游

時滇黔尚未平

首丘今已矣萬

一望松楸

冬杪卧疾寄愚山辛齋耦長

閉關當歲晏窮巷少來車免豈相如病交宜叔夜
起子書松聲含浙瀝雪色照清虛獨愛文殊好時時近

帶經堂集卷三十四

源洋續詩卷十一

三

